



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

19 օգոստոսի 2020 թվականի թիվ 301 -Ա

ՊԱՏԵՐԱԶՄԱԿԱՆ ԳՈՐԾՈՂՈՒԹՅՈՒՆՆԵՐԻ ԺԱՄԱՆԱԿ ՏԱՎՈՒՇԻ ՄԱՐԶԻ ՔՊ ՀԱՄԱԿԱՐԳԻ ԳՈՐԾՈՒՆԵՈՒԹՅԱՆ ՎԵՐԼՈՒԾՈՒԹՅԱՆ ՀԻՄԱՆ ՎՐԱ ՀԱՄԱԿԱՐԳԻ ԲՈԼՈՐ ՍՏՈՐԱԲԱԺԱՆՈՒՄՆԵՐԻ, ԾԱՌԱՅՈՒԹՅՈՒՆՆԵՐԻ ԵՎ ԿԱԶՄԱՎՈՐՈՒՄՆԵՐԻ ԱՇԽԱՏԱՆՔԻ ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆԵԼՈՒ ՄԱՍԻՆ

«Քաղաքացիական պաշտպանության մասին» Հայաստանի Հանրապետության օրենքի 13-րդ հոդվածով սահմանված, ՀՀ Տավուշի մարզի տարածքում հաշվառված ապաստարանների նորմատիվ պահանջներին համապատասխանության ուսումնասիրության և դրանց քանակի հստակեցման, ՔՊ պլանների ճշգրտման, կառավարման մարմինների և ՔՊ կազմավորումների պատրաստականության բերման, հակառակորդի խոցման միջոցներից բնակչության և տնտեսության օբյեկտների պաշտպանության միջոցառումների արդյունավետությունը բաձրացնելու նպատակով՝

որոշում եմ.

1. ՀՀ Տավուշի մարզի համայնքապետերին.
 - 1) ճշգրտել և ներկայացնել քաղպաշտպանության համայնքային պլանները,
 - 2) բնակչության ազդարարման և իրազեկման համար ճշգրտել բոլոր համայնքների և վարչական տարածքների ղեկավար անձանց հեռախոսահամարները,
 - 3) թարմացնել բոլոր ապաստարանների և թաքստոցների տվյալները, առաջարկել վայրեր և հնարավորություններ՝ պարզագույն թաքստոցներ կառուցելու համար,
 - 4) իրազեկել սեփականաշնորհված նկուղային տարածքների բոլոր սեփականատերերին՝ անհրաժեշտության դեպքում տարածքները բնակչության պաշտպանությանը տրամադրելու մասին,
 - 5) ճշգրտել ինքնաբավ էլեկտրամատակարարման սարքերի պահանջարկը, նրանց տեխնիկական վիճակը,
 - 6) ներկայացնել տեղեկանք ինքնաբավ կենսաապահովման հնարավորությունների վերաբերյալ՝ համաձայն 24 հունիսի 2010 թվականի N 824-Ն որոշման,

7) ճշգրտել համայնքների պահեստային կառավարման կետերի առկայությունը, գնահատել նրանց կարիքները և դրանց համար անհրաժեշտ ֆինանսական միջոցները:

2. Մարզպետարանի քաղաքաշինության վարչության պետին.

1) ներկայացնել դպրոցների, մանկապարտեզների ու բուժկետերի շենքերի կարիքների և դրանց համար անհրաժեշտ ֆինանսական միջոցների գնահատական,

2) իրականացնել Գանձաքար-Իծաքար անվտանգ ճանապարհի բարեկարգման և ասֆալտապատման աշխատանքների գնահատում:

3. ՀՀ Տավուշի մարզի ՔՊ բժշկական ծառայության պետին.

1) ճշգրտել և ներկայացնել համայնքներում առկա ամբուլատորիաների կարիքները և դրանց համար անհրաժեշտ ֆինանսական միջոցները,

2) ճշգրտել և ներկայացնել առաջնային բժշկական օգնություն ցուցաբերող, ուսուցում անցած անձնակազմի թվաքանակը, հեռախոսահամարները:

4. ՀՀ ԱԻՆ ՓԾ Տավուշի ՄՓ վարչության պետին.

1) ճշգրտել և ներկայացնել բնակչությանն ուղղված բոլոր տեսակի հանձնարարականները և հաղորդագրությունների տեքստերը,

2) կատարել վտանգավոր տարածքները դիտարկելու համար տեսախցիկների առկայության ստուգում և կարիքների գնահատում,

3) ստուգել ազդարարման համակարգի՝ շշակների, բարձրախոսների առկայությունը:

4) աջակցել համայնքապետերին բոլոր ապաստարանների և թաքստոցների տվյալները թարմացնելու, պարզագույն թաքստոցներ կառուցելու համար վայրեր առաջարկելու գործընթացներում:

5. ՀՀ Տավուշի մարզի ՔՊ առևտրի և սննդի ՔՊ ծառայության պետին՝ ճշգրտել մարզի տարածքում պարենային և ոչ պարենային ապրանքների, մարդկանց կենսաապահովման և պաշտպանական տարբեր սարքերի, գույքերի պահեստների առկայությունը, խնդիրների վերաբերյալ զեկուցել:

6. ՀՀ Տավուշի մարզի տարհանման հանձնաժողովի նախագահին.

1) ճշգրտել տարհանման երթուղիները, ստուգել տարհանման հավաքակայանները, ժամանակավոր տեղակայման և երկարատև բնակության կետերը, խնդիրների վերաբերյալ զեկուցել:

2) ստուգել տարհանման համար նախատեսված չկցագրված տրանսպորտի առկայությունը և տեխնիկական վիճակը:

7. Որոշման կատարման համար սահմանել 10 օր և կատարման պատասխանատու նշանակել Նիկոլայ Գրիգորյանին:

ՄԱՐԶՊԵՏ

ՀԱՅԿ ՉՈՐԱՆՅԱՆ

X

